



★ Kĩmena kya Ngũkũ
na Ndiũ

★ Wambũa na Nyũnyi



Primary Math and Reading (PRIMR) Initiative


Mũvea

- Ministry of Education, Science and Technology (MoEST)
- UK Department for International Development (DFID)
- RTI International
- SIL LEAD

Kĩmena kya Ngũkũ na Ndiũ

Mũandĩki: **Jacinta Mũtukũ**

Mũsoli: **Simon Ndonye**





Ngũkũ ya Mũtũa yaĩ na kaswii.
Na ĩndĩ kaswii kawaa na
kakoma.



Nayo Ngũkũ yathi kũmantha
mũiti.

Na yathĩĩwa nĩ Nganga ĩlatye
mbũambũĩ.






Na Ngũkũ yalatya mũiti na
yatia kaswii kakomete.

Na Mbũambũĩ yeetĩkĩla kũthi
kũiita Kaswii.

Īndĩ Ndiũ yoonā kaswii
kakomete yakavulya na
yaũlũka.

Ngũkũ yasyoka yeethĩa kaswii
kaivo na yakamantha mũno.

Na yĩkamantha yoonā kyuu kya
Ndiũ na kaswii na yasembany'a
kyuu kũu.





Īndī Ndiũ yona Ngũkũ yaũlũka
yathi vyũ.

Ngũkũ yaua mbu na yasya,
“Ndikew’ana na Ndiũ ãngĩ
nongi!”





Kuma mūthenya ūsu, ngūkū
na tūswii twayo syoona ndiū,
isembaa ikathi kwĩvitha.

Mokũlyo

1. Kaswii ka ngũkũ ya Mũtũa keekie ata?
2. Mũiiti wa kaswii aĩ ũũ ?
3. Ndiũ yeekie ata yoonā kaswii?
4. Ngũkũ yeekie ata yalea kwĩthĩa kaswii kayo?
5. Ngũkũ na ndiũ ileaa kwĩw'ana nĩkĩ?

Wambũa na Nyũnyi

Mũandĩki: Angelina Kĩoko

Mũsoli: Simon Ndonge

Ndoti na Wambũa nĩmendete
kũthaũka ĩthaũ ya kwĩivithanĩa.
Mũthenya ũmwe Ndoti na
Wambũa matiiwe mũsyĩ,
nyinyia athi ndũnyũ. Atanathi
nyinyia nĩwameeie maikokĩlye
ĩsilia yĩla wakulumanĩtye yĩlũ
wa mesa.

Nyinyia athi Ndoti na Wambũa
nĩmaendie kũthaũka vu nza.

Īndĩ weethĩa mosũanĩo ma
Wambũa me o yĩla ĩsilianĩ
ĩkulumanie. Wambũa eea
Ndoti, “Tũthi tũkĩlye tũsisye
o ĩmwe. Mwaitũ ndeũka
kũmanyana.” Ndoti amwĩa, “Aiee.
Mwaitũ aisye tũikokĩlye.”






Na ĩndĩ mambĩĩlya kũthaũka
ĩthaũ ya kwĩivithanĩa. Yĩla
ivinda ya Wambũa ya kwĩivitha
yavikie, asemba nyũmba. Na
ookĩlya yĩla ĩsilia o vanini.

Nĩvo nyũnyi yaũlũkile mĩtũkĩ
yathi. Nake Wambũa akwatwa
nĩ w'ĩa. Asembany'a nayo
weethĩa ndamĩkwata na
amisyaiĩsya mũvaka vala
yavũĩlile.



Īndĩ yĩla
Wambũa
weew'ie
nyinyia okĩte
asemba
alĩsa mūtĩnĩ.
Nake nyinyia
amwona na
amũkũlya,
“Wĩĩka ata mūtĩnĩ?” Wambũa
amwĩa, “Nĩmantha ĩla nyũnyi
yaku.”



Inyia wa Wambũa amũkũlya,
“Nyũnyi yĩva?” Wambũa
amũsũngĩa, “Ĩla wĩĩkunĩkĩte na
ĩsilia.”

Nyinyia amūkūlya, “Ndimūtavisye
mūikakunūe ĩsilia yīu! Ūkunūie
nīkī?” Wambūa akilya.

Kavinda kanini ūvonge watūlīka
Wambūa avalūka nthī.





Nyinyia amwĩa, “Ndyakūtavisye, mbaa matũ ãtũlaa kyano na ãtambĩ!”

Wambũa na Ndoti mavika mũsyĩ nyinyia amekalisye nthĩ na amatavya nũseo kwĩthĩwa me syana mbĩwi.

Mokũlyo

1. Nyinyia wa Ndoti na Wambũa aendie va?
2. Atanathi ameeie ata?
3. Ndoti na Wambũa mathaũkaa ãthaũ yĩva?
4. Wambũa eekie ata ãvinda yake ya kwĩivitha yavika?
5. Wambũa ookĩlya ãsilia nĩ kyaũ kyeekĩkie?
6. Wambũa eekie ata yĩla weew'ie nyinyia okĩte?

★ Kĩmena kya Ngũkũ na Ndiũ

★ Wambũa na Nyũnyi

Mavuku ma PRIMR maandikitwe kwa nzĩa yĩ mwanya nĩ kana matetheesye syana sya kĩlasi kya mbee na kya kelĩ mendeewe nĩ kũneena, kũsoma na kũandika kĩkamba.

Ngewa ila syĩ mavukuni aa nĩsyautetheesya syana syende kũsoma kĩkamba nza wa kĩlasi na kũlilikana kĩla masoma. Mavuku aa nĩmailite kwa asomi ma kĩkamba kwa ũndũ maandikitwe matetheesye ũmanyisyani wa kĩthyomo kya kĩkamba.

Kwĩanisa maundu aa oonthe, ngewa ila syi mavukuni aa nĩsuaniite:

- Kūtũmia kĩthyomo kīvuthu na kĩla kĩna mĩsoa mĩkuvi.
- Mavisa mena langi mũseo na maitavanitye ngewa yonthe ĩndi matũmiitwe kunenga syana mea ma kwenda kũsoma kĩla kĩ ngewani ĩsu.
- Kĩthyomo kīvuthu kwa kũelewa ĩndi kītuma syana syi sily'a muno yĩũlu wa kila ma soma.

Mavuku ala angĩ nĩ:

- *Kĩla Kītumaa Ndunduli Īlũka Ūtukũ* **na** *Kavalũkũ na Mbiti*
- *Kĩmena kya Ngũkũ na Ndiũ* **na** *Wambũa na Nyũnyi*
- *Kũkũaniwà Īkwasi na Waliku* **na** *Ūwau wa Mũthelo*
- *Mbiti Īendaa Īithua Nĩkĩ?* **na** *Nguu na Ndiũ*
- *Mũeni na Katoonu* **na** *Kĩmeu na Kasũkũ*